

**MESYUARAT KEDUA, PENGGAL KEDUA,
PARLIMEN KETIGA BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : JAWAB LISAN

**DARIPADA : YB. Dr. Haji Izani bin Haji Husin
[Pengkalan Chepa]**

TARIKH : 12.06.2014 (KHAMIS)

NO. SOALAN : 6

Minta **MENTERI KEMAJUAN LUAR BANDAR DAN WILAYAH** menyatakan :-

- (a) apakah punca kelewatan projek Retikulasi Bekalan Air Bersih di Mukim Peralla, Tanah Merah yang sepatutnya siap dan berfungsi sejak tahun 2012; dan
- (b) berapakah kos sebenar bagi keseluruhan Projek Retikulasi Bekalan Air Bersih tersebut.

JAWAPAN:

Tuan Yang Di-Pertua,

Jawapan (a)

Untuk makluman Yang Berhormat, projek retikulasi bekalan air bersih di Mukim Peralla, Tanah Merah adalah termasuk di bawah Projek Bekalan Air Luar Bandar (BALB) Sistem Retikulasi Negeri Kelantan Tahun 2011/2012 Zon 2E. Projek ini telah disiapkan pada 31 Mac 2013, walaubagaimanapun dalam Tempoh Tanggungan Kecacatan kontraktor perlu memperbaiki baki kecacatan / kerosakan sepetimana teguran yang dibuat oleh Pihak Berkuasa Air Negeri iaitu pihak AKSB. Dalam hal ini, Loji Rawatan Air Peralla yang dibina di bawah pakej projek ini telah diterima oleh pihak AKSB pada 24 Februari 2014 dan seterusnya kerja-kerja '*tapping*' ke rumah-rumah khususnya ke kampung Peralla 1 & 2 hanya dapat dilaksanakan selepas Loji tersebut beroperasi.

Walaubagaimanapun, buat masa ini kerja-kerja '*tapping*' ke rumah-rumah di kampung Peralla 1 & 2 masih belum disiapkan sepenuhnya oleh kontraktor kerana kontraktor menghadapi masalah kewangan untuk menyiapkan projek. Untuk makluman Yang Berhormat, pihak ketiga akan dilantik sekiranya kontraktor gagal mematuhi arahan yang dikeluarkan oleh Kementerian. Projek ini dijangka akan dapat disiapkan pada September 2014.

Jawapan (b)

Kos Projek Bekalan Air Luar Bandar (BALB) Sistem Retikulasi Negeri Kelantan Tahun 2011/2012 Zon 2E adalah sebanyak RM18.6 juta.